

# Le e vaksinacija po covid-19

Covid-19 si jhek zurales zarazno nasvalipe katar jhek viruso. Maj but zene kaj len o nasvalipen chi nasvajvon zurales, ferdi kavera shaj kerdjon zurales nasvale. Shaj meres katar o nasvalipen.

## Vaksinacija del tut thaj kaveren protekcija

Vaksinacija po covid-19 shaj lel sama tut te namaj nasvajves zurales vaj te meres katar o nasvalipen. E vaksinacija shaj zutil te namaj perdjon maj but zene ando them. Anda kado si vazno so maj but zene te len e vaksinacija.

E doktorura katar e but thema kerde buchi ando jhek than te birin te ankalaven e vakcina po covid-19. E vakcina naklas sa kodol kontroli sar sa le kavera vakcini so si ande lumja.

Te si tut pushimata pa vaksinacija pe covid-19 shaj vorbis kaj o nacijonalno numero 113 13 vaj kaj tumaro vårdcentral.



## Kana shaj lav me e vakcina?

Sa le manush kaj si maj phure sar 18 bershenge avena pushle te len e vakcina, ferdi tu korkoro zondjis te kames te les e vakcina. Te chi san shvedico objatelo sa jhek shaj les e vaksinacija pe covid-19.

Te les e vakcina pe covid-19 si ivja thaj bi koshti.

Kas maj but trobul te len pe sama katar o covid-19 lena e vakcina maj anglune. Anda kado delujisarde kon lel maj anglal ande shtar fazi. Pe [1177.se/jonkopingslan/covid-19-other-languages](https://1177.se/jonkopingslan/covid-19-other-languages) shaj arakes e informacija pa kana si chiri vrama te les e vakcina.

## Maj but informacija pa vaksinacija pe covid-19

Pe [1177.se](https://1177.se) si inke informacija pa vaksinacija pe ruzni shiba.

Shaj keres scan o QR-kodo me chiro mobilno telefono vaj zas andre ande lengi webbrig.



[1177.se/Jonkopings-lan/covid-19-other-languages](https://1177.se/Jonkopings-lan/covid-19-other-languages)

## Kadja keres tuke vrama te les o vakcino

Folkhälsomyndigheten zondjisardas kon lel thaj kana te len ruzni manush e vaksinacija. Kodol kaj trubuj te len pes sama maj but katar o covid-19 lena e vakcina maj anglune. Anda kado si vazno te dikes kana avela chiri vrama, te keres vrama tuke te les e vakcina.

Ginav maj but pe [1177.se/jonkopings-lan/covid-19-other-languages](https://1177.se/jonkopings-lan/covid-19-other-languages) kana avilas chiri vrama te keres tuke vrama pe vaksinacija po covid-19.

Shaj keres tuke vrama pa internet pe vaksinacija. Chi trobul tut e-legitimacija, ferdi trobul tut shvedicko personnumero.

Te naj tut shvedico personnumero shaj vorbis kaj chiro vårdcentral te keres tuke vrama.

Te trobul tut zutipen me translacija shaj manges varekas kas zanes te zutin tut te zanen shvedicka. Te kames tumacho kana site les e vaksinacija phenesa kado kaj chiro vårdcentral kana keres tuke vrama.

## Maj dur le sama pe tute thaj e kavera

Vazno si te ashunes so phenel o them vi kana lan chiri vaksinacija te na inkeras o nasvalipen covid-19 maj dural.

- Tov chire vast butivar.
- Inker distanco thaj le tut sama katar thana kaj si but zene.
- Dik so maj cirica manushen sar biris.
- Besh khere vi te achares tut cirica nasvalo.
- Inker testo pe covid-19 vi kana achares cigne symptomura.